



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 香港培道中学
Name of School : POOI TO MIDDLE SCHOOL
剧名 Name of Play : Keeper
剧作者 Script writer : 林嘉婷、叶嘉豪、曾绰岚、麦芷晴、李耀灵

故事大纲 Synopsis :

生老病死，是人类的宿命。离开人世后，死神会将逝者灵魂带走，交由死后世界的判官审判。

在一次任务中，一向严明的死神 K 顿感异常，逝者的容貌、遗物都在刺激他被封禁的记忆。死神 K 发现

其与逝者有着非浅的关系，究竟死神 K 会选择严守规律，还是选择另一珍视之物呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序幕：死神裁判处

(灯亮)

(三位死神 K、S、G 出场，身后带领着一群逝去的人，分别散落在台左、台中、台右，以形体动作呈现死神如何带走逝者的灵魂。)

(一会人群散开，舞台上只剩下跪在台中、面露悲伤的死神 K，以及站在一旁的死神 S 及死神 G。)

(聚光灯打开的电闸声响起，而聚光灯打在死神 K 的身上。)

(判官进场，而检控官跟随在后。)

检控官：死神 K 徇私枉法，先后以职权欺瞒守卫，企图重置，作为死神，更直接干预现实。就以上控罪，今日进行审判。

判官：(敲法锤) K，你认唔认罪？

死神 K：(目光坚定看着判官) 我唔否认我违反咗死神守则，但系我有做错！

判官：死神嘅职责本来就只系顺应天命，寿命去到尽头，你哋就将佢带去接受审判。你呢三年嚟尽忠职守，点解一时糊涂做错事呢？

死神 K：我唔系一时糊涂。

(判官听到死神 K 的回答后，显然有些不满。)

判官：开始审判！

(灯灭。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 《死后世界工作室》

(灯亮)

(生神们不断工作，偶尔互相传递文件。他们透过观察在世的人所做的事去增减他们的寿命。)

(有人做了好事的声音响起。)

生神 1 : 提人冇书包拉链，加一日。

(有人做了好事的声音响起。)

生神 2 : 讲笑话冇人笑，加两日。

(死神 K 带着两位队员：死神 S 和死神 G 进场。)

死神 G : (四处张望，感到惊奇) 哇哇哇！呢度系边度呢嘍？

(有人做了坏事的声音响起。)

生神 3 : 杀害流浪动物，减五年。

死神 S : (搭着死神 G 肩膀) 系咪好靚啊？我第一次嚟嘅时候都好似你依家咁。我同你讲啦，呢度系死后世界工作室，呢班就系生神，做好嘢就加你寿命，做衰嘢就扣你寿命。扣下扣下，扣到冇晒咯，咪到我哋出场，去接走佢哋嘍！

生神 4 : 你地终于嚟啦，呢度啊呢度啊！(向死神 S 递上一迭文件) 咁迟嘍，我哋好多嘢做嘍！

(有人做了好事的声音响起。)

生神 5 : 教同学做功课，加五日。

(有人做了坏事的声音响起。)

生神 6 : 教人食烟，扣一年。

(有人做了好事、坏事的声音仍不间断地响起。)

死神 K : 多嘢做还多嘢做，但系你哋生神计数真系要均真啲！(随手拿起一份文件) 你睇吓，阿妈打个仔，点解净系扣三日？你哋生神唔跟好准则，我哋死神都好难做嘍！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

生神 7 : 但系个 Case 系阿妈教仔，打者爱也，轻判都好合理啫。

死神 K : 爱系爱，规则系规则，准则话要扣多啲，咁就应该扣多啲。(把文件交回生神 7 便要离开)

死神 G : 咁多 Case! 我哋真系做得晒咩?

死神 S : 我见到咁大迭文件就已经想辞职唔捞啦。(将所有文件交给 G, 指住死神 K) 我哋有个最佳员工嘅度，一定做得晒嘅!

死神 K : 作为死神，我哋只有一个职责，就系跟 Order 接走死人嘅灵魂。你啊! 未开始做嘢就嗌收工，阿头改你个名做 Sloth 真系冇错。

死神 G : 你哋知道自己个名点嚟嘍咩?

死神 S : 我懒到唔记得咯，后来系 K 话俾我知。我上一世系个大懒人，因为净系想瞓觉，所以饿死咗，咁咪叫 Sloth 嘢。

死神 G : 咁我呢?

死神 K : Gluttony sen (日文)。接你嘅时候知道你以前系大胃王，钟意不停食嘢，最后食到大肠癌，就死咗啦。

死神 G : 唔怪之得我见到食物嘅时候都有种奇怪嘅感觉。咁 K 呢? 我净系知你叫 Keeper 咋。

死神 K : 我都唔知。

死神 S : 我知我知，你上一世一定系踢波做守笼嘅，依家做死神就守住啲死后世界准则。

死神 K : (反白眼) 痴线。

(生神 7 拿着几份文件追来)

生神 7 : (把文件放到死神 G 手上) 仲讲? 仲有一大迭嚟紧啊!

死神 G : 咁做法真系会做到死㗎㗎。

死神 S : 做到死? 你已经死咗啦!(对死神 G 轻道) 不如你试吓去擦一擦楼下个 Reset 掣，所有嘢重新嚟过，我哋咪唔洗做咯!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

死神 K : 唔好教坏新人啦，几万年前有人搵咗俾人捉到，到依家都都仲轮回紧做畜生，永远都做唔返人。

(死神 G 听到后非常震惊。)

死神 S : Keeper 啊，Keep 住啲准则，依家 Keep 埋个 Reset 掣。

死神 K : 做嘢啦！仲咁多嘢讲。

(三位死神带着文件离场。生神们依然在工作。)

(灯暗)